

Русские повести XV--XVII веков

Русские повести XV--XVII веков. ГИХЛ, М.--Л., 1958

OCR Бычков М. Н.

СОДЕРЖАНИЕ

Повесть о московском взятии от царя Тахтамышша
Повесть о московском взятии от царя Тахтамышша и о пленении земли Русския
Повесть о Темир-Аксаке
Повесть о взятии Царьграда турками
Повесть о купце Дмитрии Басарге и сыне его Борзосмысле
Сказание о Вавилоне граде
Повесть о царице Динаре
Повесть о мунтыанском воеводе Дракуле
Повесть о Петре, царевиче ордынском
Повесть о Меркурии Смоленском
Повесть о Петре и Февронии Муромских
Повесть о Луке Колочском
Повесть о Тимофее Владимирском
Повесть об осаде Пскова Стефаном Баторием

ПОВЕСТЬ О МОСКОВСКОМ ВЗЯТИИ ОТ ЦАРЯ ТАХТАМЫШША

В лето 6890... * царь Тахтамыш * посла на Волгу татар своих и повеле избивати вся гости русския, а суды их переимати на перевоз себе, дабы не было вести на Русь; и пришед к Волзе со всею силою своею, и перевезошася на сую сторону, и поиде изгоном на Русскую землю.

И то слыша князь Дмитрий Костянтинович * и посла к Тахтамышу сынов своих, Василья и Семена, * они же приидоша в орду; он уже пошел бе на Русь, и едва сустигоша его в рязанских приделах, борзо бо бяше иды. А князь Олег рязански * срете его, донележе не вниде в землю его, и обведе его около своей земли и броды указа ему все по Оце.

Князю же великому * едва весть прииде от некоторых доброхотящих хрестьяном, живущих в странах Татарских, иже бяху на то устроени сущи и поборници земли Руостей. Он же нача полки совокупляти и поиде с Москвы, хотя противу татар; и бысть разно в князех русских: овии хотяху, а инии не хотяху, бяху бо мнози от них на Дону избиты; * а се царь на них идяше со многою силою и бяше близ уже, яко совокупитися некогда. Князь же великы в недоумении быв, а татаром уже близ сущим, иде за Волгу, в град свой Кострому, а во граде Москве мятеж бе велик: овии бежати хотяху, а инии в граде сидети. И бывши мятежи и распре велице, и паки народ, совокупльшеся, позвониша во все колоколы и стаща суймом, * а инии по вратом, а инии на вратех на всех, не токмо пущати хотяху из града крамольников и мятежников, но и грабяху их; ни самого митрополита * усрамилися, но на вся огрозишася, ни бояр великих устрашишася, и в вратех всех с оружии обнаженными стояху, и с врат камением шибаху, и никого же из града пустяху. Потом же едва народи умолени быша, выпустиша из града митрополита, прочих с ним ограбивше, а одинако с ним мятаху; и се прииде к ним в град некий князь литовский Остей, внук Ольгердов, * и той окрепи град и затворися в нем со множеством народ.

А царь Тахтамыш, перешед Оку реку, взя преже всех Серпохов и пождьже и потом прииде к Москве, августа 23, и приехавше не мнози к граду, воспросиша о великом князи, есть ли в граде; отвещаша же им з града: "нет его", они же вокруг града всего объехали, смотряще его, и тако отъидоша от града. И наутрии же сам царь прииде со всею силою под град, и приступиша ко граду со все стороны, стреляюще; бяху же стрелы их яко дождь умножены. А гражане противу их стреляху и камением шибаху, но сии с стен збиша гражан, еще бо граду тогда ниску сушу, * и начаху лествицы приставливати к граду и